

# 1 Tximòtxi-ò

## Paulo Juhuu Tyyriti Tximòtxi-ò

<sup>1</sup> Jiarỹ Paulo watxiwãhãre. Jesuisi Kristu deòdỹna watxiwãhãre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe inyararòsònareny rare.

<sup>2</sup> Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹdu mahãduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

<sup>3</sup> Jiarỹ Macedonia-ribi rareu, adee warybe rewahinyre kai Efesu hãwã-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyyriti wixiramy ròerydỹnanyre riki.

<sup>4</sup> Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he rōhōtinyōhyymyhỹkre. Kia aōna aōna tahe rybenatyhytyhyre. Kia aōna aōna iny lahi òraru rybena-di ixinohōtidỹōmy. Kia ityhydỹnadile kanakre.

<sup>5</sup> Kia wiluuna tahe inywolyrahakỹwo-ribi ròhònymyhỹre, iny raykylyrahakỹ wo-ribi, iny ityhydỹnatyhy-ribi.

<sup>6</sup> Kia aōna aōna wihikỹ-ribi iny rexixãwididỹnyre. Tai tahe aōmybo rarybemyhỹre heka rieryōhyymyhỹre. Aōtyhymy aōkō widee rarybemyhỹrenyre.

<sup>7</sup> Bede ywina tyyriti erysydÿÿdu wesekey rex-inohõtinyinymhÿre, tahe rieryõhyymhÿre aõmybo raremy. Aõmy rierynanymhÿrenyire tahe timybo ihÿremy rieryõlemhÿrenyire.

<sup>8</sup> Katahe inyboho rieryrenyire. Inyõ bede ywina tyyriti õbitimy rityhynykeki, Bede ywina tyyriti heka awi rare.

<sup>9</sup> Inywihikÿ-ò heka tiu bede ywina tyyriti riwahinyõhyymhÿre. Inybina binaõle iwahidÿÿna rare, iny õrarudu-ò, iny ityhydÿÿdukõdu mahãdu-ò, iny aleerydu-ò, iny tadi tyby-wana rirubunymhÿre mahãdu-ò.

<sup>10-11</sup> Kia iny-ò bede ywina tyyriti rÿimhÿre. Ibutumy bina bina widÿÿdu-ò. Bede ywina tyyriti rÿimhÿre ka mahãdu-ò: inydÿÿwe mahãdu dee, taõtaõta wixiramy õtadu mahãdu-ò, iny-wasidÿÿdu-ò, ruidu mahãdu-ò. Deuxu ijyy tÿmyra wihikÿ dee wiõkeki, tii aõna aõna riwinykeki, tamy. Deuxu bede ywina tyyriti roimhÿre. Deuxu bedeerydÿÿna õbiti aõkõreki, Deuxu wiwihikÿ loosõnadewimy aõkõreki kia erysydÿÿnadu jiarÿ rare.

<sup>12</sup> Jesuisi Kristu, iny wedu waruruixiòlòdÿÿdu rare. Jiarÿ tamy wawimy raremyhÿ. Tai tarybe-di wiõhedÿÿdumy riwatare. Kia-ò Jesuisi Kristu heka jiarÿ rewowydynyire.

<sup>13</sup> Juhuu jiarÿ tuu rarybere. Ityhydÿÿdu mahãdu-ò wadeburemy rarewÿhÿ. Tule Jesuisi-ò wedeburemy rarewÿhÿ. Tahe wadee raruxetõenyrenyire. Tahe ibutumy kia reerykõlemy rewinyimy raremyhÿ, retyhynyõlemy rewinyimy raremyhÿki.

<sup>14</sup> Inywedu sõwemy wadee raruxetõere.

Tii riwasỹny ixiluuwehikỹkemy, rikity-hynymyhỹrenykemy.

<sup>15</sup> Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare.

<sup>16</sup> Iurenanamy tahe tii riwaruxetòenyre. Tiu heka waki rexiraõre. Tii riwateòsinyre juhuu ityhydỹỹdu wesemy. Ityhydỹỹdu mahãdu-ò itxerenamy, iwese tii mahãdu kidityhynykemy. Tai umy tuedekõdu mahãdu-ò ralòkemy.

<sup>17</sup> Beàlãmahãbenyke Deuxu-ò. Tii heka bededỹỹnana tuedeõdu hukỹ Iòlò rare. Tii lobixina aõkõ rare. Tii sohojile rare. Beàlãmahãbenyke aõu aõu, wowydyna tamy biwahinyke. Kie.

<sup>18</sup> Ka inatyhymy rybemy adee ararybekre Tximòtxi –kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikỹke. Besuke arurutyhymy aõbo òbitimy ratximyhỹre wihikỹ-ò.

<sup>19</sup> Aõhewe õhõtíwydynawimy mabekre. Bityhynymy mabekre. Ingyõ heka idi rõhõtínyrenyõra, tai reserenyra ityhydỹỹ-ribi.

<sup>20</sup> Ijõ Imineu inire, Alexỹdre ijõre. Jiarỹ rewahinyre Satanasi-ò, Satanasi bedeburana tamyreny riwahinykre. Tiiboho rybebinamy tii Deuxu-ò rarybeõtyhy.

## 2

<sup>1</sup> Delemy kamy ararybeke: Àlàna sõwemy idi rawahinyke, ibutumy iny-ki bexitòenykre.

<sup>2</sup> Iòlò dee, ibutumy dinodu dee tule bexitòenykre. Tamyreny biixitòedỹỹnanymy Deuxu-ò, tule Deuxumy beòbykemy, tai ibutumy iny iworana bedehes-

imy r̄yikre. Deuxumy iny r̄ok̄h̄ōtinyrenykemy idi òbitimy tamy rokoirekemy.

<sup>3</sup> Kia wese awire Deuxu dee.

<sup>4</sup> Deuxudeewimy ibutumy iny ritakemy raerykemy tibo inatyhy raremy.

<sup>5</sup> Deuxu sohojile rare iny-ki rybedu tule sohojile rare, Deuxu-ò iny mah̄adu tii sohojile kia riwinyre. Tii h̄abutyyhyk̄y rare. Tai tahe tii tiò tiò rare, Deuxu, iny mah̄adu-wana widee ributunykemy, Jesuisi Kristu wahe.

<sup>6</sup> Jesuisi rexiwahinyre ibutumy iny òraruna òwyd̄ȳmy. Tii heka riòwynyrene sohojihyylemy. Kia heka tiiehyymy deòsid̄ȳmy rarekemy. Tiu iny mah̄adu rahenykemy Deuxu rexinoh̄ōtinyre.

<sup>7</sup> Jiar̄y heka imynynamy riwamyre kia rybe-di arelyykremy. Tule jiar̄y rybe-di dohod̄ȳdukremy riwamyre iny witxira bedeeryd̄ȳmy judeuk̄ōdu mah̄adu wahe. Kia raerykemy tibo inatyhy raremy. Kia dori inatyhy rare.

<sup>8</sup> Ibutumy dohod̄ȳna hetowo-ki ibutumy rex-itòdenyre rexityhynymy. Uj̄ōmomomy r̄oh̄ōtinymy aōk̄ō.

<sup>9</sup> H̄awyy uritere ixidi noh̄ōtityhyōmy ixiaōmyd̄ȳnad̄ȳmy urile ywilemy ixidi r̄oh̄ōtinykemy. H̄awyy ityhyd̄ȳdu xiywid̄ȳna tahe tyywihik̄y aōk̄ō, iradesihod̄ȳtyhy aōk̄ō, deorutylududike aōk̄ō.

<sup>10</sup> Urile tahe iyrubukemy Deuxu-di r̄oh̄ōtinyke tamy aōwihik̄y riwinykre.

<sup>11</sup> H̄awyy ityhyd̄ȳdu mah̄adu r̄òeryrenykre yrubu-ki.

<sup>12</sup> Jiar̄yle heka h̄awyy ariwahinyōtyhy h̄abumy h̄ȳnakemy, h̄abu eryd̄ȳdukemy tule tuu areònyke

aõkõre, hãwyy heka urile iyrubumy rỹike.

<sup>13</sup> Adaõ heka Deuxu juhule riwinyre idi Eva riwinyre.

<sup>14</sup> Tule tahe Satanasi Eva juhuu riitxenanyre, Adaõ aõkõ tai raòrarunyre.

<sup>15</sup> Hãwyy uladu reakeule rexitake. Idi ròtyhydỹmy. Inyluumy idi rexityhynykreki.

### 3

<sup>1</sup> Kia rybe inatyhy rybe rare: –Inyõ dohodỹdu dinodumy rarekeki. Kia heka rexiburemyhỹre aõwihikỹmy ratximyhỹre.

<sup>2</sup> Tahe rybe-di dohodỹ aõmysỹdỹdumy ralòkeki, tii heka òbitimy rareke, tahãwyy sohojidile, rexityhynymy rarekemy, iny inatyhy, iny aòraru rarekemy, erynadỹdutyhymy rarekemy.

<sup>3</sup> Tii heka iaxaxa luuõre aõbina luumy aõkõ rare tule iyrubure. Tahe tule iaõmy nohõtudu aõkõre.

<sup>4</sup> Tii heka taijoimy reònymyhỹre, tariõre riery-nanywihikỹmyhỹre ixirybe rityhynykemy.

<sup>5</sup> Inyõ tahe taijoi reònyòkeki, Deuxu aõmydỹna-di òbitimy raaõmysỹdỹõtyhy.

<sup>6</sup> Tii ityhydỹdu tỹmyra aõkõmy rarekemy. Raxiwedenymy rarekeki tahe urile Satanasi alòsena-txi tii reseke.

<sup>7</sup> Ihãrele tahe ityhydỹdu mahãdu aõkõ rare ihỹre, awimy tuu rarybemyhỹre. Tuu heka raujõmorenyõtyhy tule tii Satanasi ireitidisi-txi reseõtyhy.

<sup>8</sup> Tule dohodỹdu wiòhedỹdu mahãdu, kiawe-sele rarekemy. Tii tule òbitimy rarekemy irybe

òkese òkese aõkõ, iaxaxaluu aõkõ rare, tule aõna aõna sõwemy nohõtidu aõkõ rare.

<sup>9</sup> Iny inatyhydỹnareny òbitimy tuu rotohodỹnananyhỹrenyke, tarayky òbiti-di.

<sup>10</sup> Tule kia wesele raurihikre. Iribi òbitimy ròhònnyeki, tai dohodỹdu wiòhedỹdu mahãdu-ò ralokre.

<sup>11</sup> Ihãwyy tule òbitimy rarekre. Ujõmodumy aõkõ rarekre, iyrubukemy, urileta rexytyhynymy rarekemy.

<sup>12</sup> Tule dohodỹdu wiòhedỹdu mahãduõ ihãwyy sohojidilemy rarekre. Tariòre, taijoi-wana reònnyhỹkre.

<sup>13</sup> Kia mahãduõ Deuxu aõmysỹdỹna òbitimy riwinymyhỹreki, inatyhymy tii iny rityhynykre. Tai Deuxu aõmydỹna tii riòbitinykre ibutumy inydee.

<sup>14-15</sup> Aroramy jiarỹ wylemy arakemy watxireri. Aõkõkeki urile warybe ritina adee rewahinyreri. Kia warybe-di bierynanybenyke aõhebo ityhydỹdu mahãdu warybe-di rotỹnykemy. Ityhydỹdu mahãdu Deuxu ijoiõ rare. Inatyhy rybe yrubudỹdu rare.

<sup>16</sup> Iny tyhydỹnareny awi tyhytyhy rare. Kia wese rare: –Jesuisi heka hãbu wese nade. Tii Deuxu Tyytyby-di òbitimy rityhynyreu, ýjurenymy tuu robirenyre. Taaõmydỹnanarenymy ibutu bededemy relyyrenyke. Sõwemy iny rityhynyrenyke. Roosere biu botorahakỹ-ò.

## 4

<sup>1</sup> Deuxu Tyytyby rarybera: –Ihewoladu bededỹnana txuu hãbu tyytybybina rybe-ò roholakre. Tai iny tyhydỹnanareny ririkre.

2-3 Tahe ruina rybe rityhynyre, hãbu aõmy nohõti erykõ rybe-ò. Kia heka hãbu raerynadỹmyhỹre uritere hãwyomy heriõmykremy, ijõ rỹsỹna aõtxi irỹsỹõkremy. Kia rỹsỹna iny rirỹsỹke Deuxu riwahinyre. Juhuu àlàna Deuxu-ò rawahikre.

<sup>4</sup> Kia heka ibutumy Deuxu riwinyre awire. Aõ aõkõ heka awiõre. Deuxumy beòbyke, kia tahe ibutumy awike.

<sup>5</sup> Ixitòedỹna Deuxu rybe kia ibutumy awimy risỹnykre.

<sup>6</sup> Kai heka ityhydỹdu mahãdu bierynanykeki, kai heka Jesuisi Kristu aõmysỹdỹdu mahãduwihikỹõ tate. Kia inytyhydỹnareny erydumy mabekre.

<sup>7</sup> Kai ihetxiu nohõtiwidỹna ijyy bityhynyõtyhy. Marurunymy mabeke Deuxu aõmysỹdỹnana-ò.

<sup>8</sup> Aumyruru urihimyõmy idi mohõtinykre, atyytybywi-di tahe kia idi sõwemy mohõtinykre kai kabede-ki adeewikre tule tiu bede-ki awikre.

<sup>9</sup> Kia rybe heka òbiti rare. Ibutumy iny rityhynyke.

<sup>10</sup> Inyboho raaõmysỹdỹnymyhỹre inatyhymy. Deuxu dori iny rityhynyre. Tii ibutumy iny tarasadu ratximyhỹre, ityhydỹdule tarasadure.

<sup>11</sup> Kia warybemy bierynanybenyke.

<sup>12</sup> Iny aratyhynyõkeki kai matuari aõkõ tateki, tai ityhydỹdu wihikỹ mabekremy bexityhynyke. Tai tahe arybe-ò aratyhynykre aityhydỹna, alu-una, òbitina òraru-ki wahe.

<sup>13</sup> Adehemynykre kotyre, Deuxu rybe-di mariakre dohodỹna heto-ki, idi belyykemy mabekemy tule bierynanykemy.

14 Uritere nohōti lusaōmy kai erydỹdu wi-hikỹ tatemyhỹ. Dohodỹna matuari mahādu debōtidina-di arateōnyrenyreu, wahisidỹna weseō tetate rybe-di tỹnydỹna òraru-ki.

15 Kia aōmydỹnanamy mohōtinywityhymyhỹ. Ix-idile bexiywinytyhymyhỹke bede erydỹnana-di tule bexiywinytyhymyhỹke.

16 Tai kai òraru-ribi bexitake tule aijohonana-di òraru-ribi bitakre.

## 5

1 Matuari ityhydỹdu mahādu-ò ywimy aōki tamy marybemyhỹke, bowese idi atximahāke Weryrybò mahādu, aseriòre wesemy bitohodỹnyke.

2 Senadu mahādu adi wesele bierynanykre. Ijadōma mahādu aseriòre wesere ibutumy òbitilemy biywinykre.

3 Inatyhytyhy wytese mahādu kai bityhynykre iòsỹnỹ biywinykre.

4 Iriòredikeki, iriòkòredikeki, juhū iriòre bierynanyke imahādule òbitimy biwiòhenanyke idi watxireri. Kia dori Deuxu dee awire.

5 Wytese mahādu ixisohojilemy rasỹnymyhỹre iriòrekōkeki, Deuxu-ribi aōna aōna riraōmyhỹre. Deuxu dee sōwemy rexitōnemyhỹkemy.

6 Kia tahe wyteseō òraruna luukeki kia tahe irulemy ratximyhỹre hāre rubu rare.

7 Tximòtxi, kia bede ywina tahe rewahinyreri urile wytese mahādu òwe òweōmykremy bibedeerynanykre.

8 Inyō juhū tasỹreny dee idi aōna aōna tai-joi dee kanawyōkeki, tiì ityhydỹdukōdu mahādu



ratyre rabinare. Tii ityhydÿÿdu mahãdu wese aõkõ dotÿÿnymyhÿde.

<sup>9</sup> Wytese tÿmyrani tyyriti-ki iritidÿÿõmykre 60 ibeõraõkeki. Tule tii sohojihyyle roire hãbumy.

<sup>10</sup> Tule tii aõna aõna wihikÿ riwinyomyhÿre, tariõre ritybienenre, taroraludu-ò awimy raremyhÿ, ityhydÿÿdu mahãduwa risuhõmy raremyhÿ, aõhõkÿtyhytyhymy rotÿÿnomy rare mahãdu riwiõhenanomy raremyhÿ. Aõu aõu heka iny witxira riwiõhenanomy raremyhÿ taworana bedehesi-di.

<sup>11</sup> Wytese tÿmyrani heka tyyriti-ki iritidÿÿõmykre. Hãbumy herimy rõhõtinymyhÿre wana, tai Kristu-ribi tõhõti rosamyhÿre.

<sup>12</sup> Tarybe ywidÿÿna riywinyõlemyhÿre, tai iurenana tahe tuudÿÿdumy Deuxu-ò ratximyhÿre.

<sup>13</sup> Hetomy rawerywerynymyhÿre kia urenana urile raujõmomyhÿre aõna aõnalemy. Aõ heka riwinyõlemyhÿre. Kia ratyre bina tahe tuu rybenanamy aõkõ rybebinamy rarybemyhÿre.

<sup>14</sup> Kia heka wadee awire wytese tÿmyra hãbumy roikre, rariõrerenykemy, tule taheto riywinykemy. Kia wese iõludu inydeereny aõna aõnabinamy rarybeõhÿkÿkre.

<sup>15</sup> Wyteseõ dori Satanasi hemy roire.

<sup>16</sup> Wyteseõ ityhydÿÿdusÿ-ki rarekeki, tii heka riwiõhenadÿÿ rÿikre. Kiawese dohodÿÿdu mahãdu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

<sup>17</sup> Matuari ityhydÿÿdu mahãdu iny rityhytyhynykre. Dohodÿÿna mahãdu aõmydÿÿnana õbitimy retehemy ratximyhÿkeki, ratyhytyhynykre. Inatyhytyhywityhymy

kowa òbitimy relyymyhÿre tule rybe wihikÿ rierynanymahÿre kia heka raòwywikre.

18 Tai tahe raritidÿÿmy roimyhÿre: —Broreni maixòmotyre iwysydÿÿmy rariamyhÿu, iry ratòbònÿòtyhy ibyre lau. Tule ròritidÿÿmy roimyhÿre:

—Mobo raaòmÿsÿdÿÿmyhÿre, tii heka iny riòwynymyhÿre.

19 Matuari mahãduò iny tuu raujòmokeki, tuu arityhynyòtyhyke. Tuu lobixidu inatxi ada inataòkekile, aratyhydÿÿkre.

20 Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijò iny ruberumy rÿimyhÿkremy.

21 Adee ararybekre. Deuxu, ÿjureny, Jesuisi Kristu-wana ibutumy warybe-ò roholareri. Kai warybe biywinykre. Myheka wiratyre widi ròhòtinyòtyhy. Tiiemy wiwese weselekemy rÿikemy.

22 Uritere rybe-di tÿnydÿÿdu tÿmyra juhu biurihike idi tahe debòtidina-di biteònyke rybe tÿnydÿÿmy. Kawese aòkòkeki heka hãbu òrarunamy tuudÿÿdukremy òsana mabekre. Aòmÿdÿÿnana tiiemy òbitimy biywinymyhÿ.

23 Bee sohojilemy aòkò biòkre urihimÿòmÿ vÿimÿ biòkre. Kai dori awo ibinareriki tiiemy tuu abinareri.

24 Ijò òraru aòwesele iny kanatÿnykre, bedeluura aòwesele kòdòhònykre. Ijò òraru taheka idile kanatÿnykre.

25 Ruxetòenawihikÿ iwesele rare. Ele tii raeryòtyhy idi tahe iny rierymyhÿre.

## 6

<sup>1</sup> Ibutumy wetxuõ tawedu rityhynykre. Tawedu rityhynyõkeki heka Deuxu nibinarybemy iny rarybekre. Tule ityhydỹỹdu eryna binamy rarybekre.

<sup>2</sup> Weduõ ityhydỹỹdukeki, kia heka ire ratyhydỹỹmyhỹke tule aõnityhymy tamy aõmysỹdỹỹkre. Tii dori ityhydỹỹdu seriõre wese rare. Kia dori taaõmysỹdỹỹnyteri ityhydỹỹdu widee. Kaiboho ixideerenyle wiluukemy. Kia tule bierydỹỹnykre.

<sup>3</sup> Inyõ erydỹỹna witzira ròerynanykeki kia õbitimy aõkõ Jesuisi Kristu Rybewihikỹ wese aõkõ ratxikeki,

<sup>4</sup> kia hãbu ixiwede rare, aõ rieryõlere. Kia hãbu urile dỹỹraxidỹỹ luure. Kia dỹỹraxidỹỹ-ribi ibutumy rybe jei jei rõhõnymyhỹre. Iribi tahe tule rexinaanymyhỹre, raujõmomyhỹre, rexiwodohonanyemyhỹre.

<sup>5</sup> Raruimyhỹre. Kia ibutumy rotỹỹnyrerí, hãbu tõhõtina õweðwere. Inatyhyna-ribi kia hãbu tõhõti rosare. Ityhydỹỹdureki tii ròtakemy ixidi ratximyhỹre. Kiamy heka rõhõtinymyhỹre.

<sup>6</sup> Inatyhymy ibutumy heka tai iny aõtyhydỹỹdu-ki taaõ-di teysakreki.

<sup>7</sup> Aõ kabede-ò iny ixihemy diwyõhydenyde inatyhymy heka rukururenykreu tule aõ ixihemy kabede-ribi rikiwyõtyhyrenykre.

<sup>8</sup> Iny tyydirenykeki, iny rỹsỹnadirenykeki, urile reysarenykre.

<sup>9</sup> Tahe inyõ ityhymy ixidikeki, tii òraruna-txi resekre. Kia heka iny rexiburemy, rexibinanymyhỹre, tule rexiraykyitxỹtenymyhỹre.

<sup>10</sup> Inyõ nieru luukeki, tii aõ òta òta òraruna-txi resekre. Kia-di heka iny sõwemy ityhydỹỹdu

mahãdu-ribi ròhònrya aõhõkỹmy rotỹỹnyrenyre.

<sup>11</sup> Kai Deuxu ijoi tate. Ibutumy kia-ribi bexiemy mabekre. Uritere ityhymy ix-di nohõtĩõmy tahe awimy mabekremy mohõtĩnykre. Deuxu wiwese, ityhydỹỹdutyhy wese, Deuxuluu wesemy. Tiiemy heka òbitimy atximahãke, ywimy ainytyhymy atximahãke.

<sup>12</sup> Aõu aõu òbitimy atximyhỹkemy marurunya, umy tuedekõnahakỹ bitakemy, kai tule inatyhy rybemy tarybete inysõweko-ò, Deuxu dori adee rarybere juhuu.

<sup>13</sup> Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi.

<sup>14</sup> Kaheka warybe rare: Kai heka bede ywina bityhynyke aõ bede ywina tyyriti òraru-ki aõhe botỹỹnyõtyhy. Biraòke Inyweddu Jesuisi Kristu dehemyryna txuu.

<sup>15</sup> Tiutxukremybo Deuxule kedexitỹnynykre, tii deysana wedu rare. Tii sohojile heka Iòlòmry rare. Ibutumy Iòlòweddu rare. Ibutu wedu wedumy rare.

<sup>16</sup> Tii sohojile heka tiu ruruõhy rarekre. Tii irehetyhymy loosõnawo-ki rasỹnymyhỹre. Tiimry heka inyõ tuu robiõtyhyre. Inyõ tiu iòhòmry tamy rehemynyõtyhy. Tamy rikiwodeysanyrenykre. Tiòhe aõu aõu taruru-di ratximyhỹ.

<sup>17</sup> Kai marybekre iaõdi mahãdu-ò uritere ta aõna aõna-di rexiwowydynyõtyhy, iaõna aõna dori rỹiõhykre. Tahe Deuxule rityhynykre. Tii dori ibutumy aõna aõna wiwihikỹ inydeereny riwahinyre.

18 Tii aõna aõna wihikỹ inydeereny riwahinymyhỹre. Iaõdi mahãdu uritere aõwihikỹ-di ijõ-ò rawiòhedỹỹnykre. Aõu aõu ròwirareamyhỹke iny-ò.

19 Kia wese tiiboho ributunyrenykre. Aõna aõna wihikỹ biu-ki awimy idi rarekre. Tule umytuedekõnahakỹ tiiboho ritarenykre.

20 Kai Tximòtxi, aõbo adee rawahidỹỹre, kia biyrubunykre. Rybe òwe òwe-ribi irehemy mabekre. Aõbo heka raninireri bedeerydỹỹ kia heka inatyhy aõkõ rare.

21 Inyõ kia aõ erydummy ixi-di nohõti-ki, rexitara ityhydỹỹdu mahãdu-ribi. Deuxu deysanamy adee ratximyhỹkemy idi watzireri.

## **Deuxu Rybe Tyyriti** **New Testament in Karajá (BR:kpj:Karajá)**

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Karajá

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files  
dated 29 Jan 2022

55ce0bcd-101e-52a3-984e-847027efe150